



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ՎԱՅՈՑ ՁՈՐԻ**

**ՄԱՐԶՊԵՏ**

**Ո Ր Ո Շ ՈՒ Մ**

<<01 >> ապրիլ 2015

N 32

ք. Եղեգնաձոր

**<<ՆՈՒՓՍԻՄԵ ԱՌՈՂՋՈՒԹՅԱՆ ԿԵՆՏՐՈՆ>> ՓԱԿ ԲԱԺՆԵՏԻՐԱԿԱՆ  
ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼԸ ՆՎԱԶԵՑՆԵԼՈՒ ԵՎ  
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ ՄԱՐԶՊԵՏԻ 2000 ԹՎԱԿԱՆԻ  
ՆՈՅԵՄԲԵՐԻ 30-Ի  
N 81 ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ**

Ղեկավարվելով <<Բաժնետիրական ընկերությունների մասին>> Հայաստանի Հանրապետության օրենքի 36-րդ հոդվածի 1-ին մասի, 67-րդ հոդվածի 1-ին կետի <<ա>> և <<ը>> ենթակետերի, <<Իրավական ակտերի մասին>> Հայաստանի Հանրապետության օրենքի 70-րդ հոդվածի 2-րդ և 5-րդ մասերի, Հայաստանի Հանրապետության նախագահի 1997թ. մայիսի 6-ի թիվ ՆՀ-728 հրամանագրի 1.6-րդ կետի դրույթներով և ի կատարումն Հայաստանի Հանրապետության կառավարության 2015 թվականի հունվարի 15-ի N 41-Ա որոշման 1-ին կետի պահանջի.

**Ո Ր Ո Շ ՈՒ Մ Ե Մ՝**

1. <<Հոփսիմե առողջության կենտրոն>> փակ բաժնետիրական ընկերության 2 198 000 (երկու միլիոն հարյուր իննսունութ հազար) Հայաստանի Հանրապետության դրամ կազմող կանոնադրական կապիտալը նվազեցնել 2 197 999 (երկու միլիոն հարյուր իննսունյոթ հազար ինը հարյուր իննսունինը)

Հայաստանի Հանրապետության դրամով՝ 2 197 999 (երկու միլիոն հարյուր իննսունյոթ հազար ինը հարյուր իննսունինը) հասարակ (սովորական) բաժնետոմսերի հետզնման և մարման միջոցով: Ընկերության կանոնադրական կապիտալը նվազեցումից հետո կկազմի 1 Հայաստանի Հանրապետության դրամ՝ 1 հասարակ (սովորական) բաժնետոմս 1 Հայաստանի Հանրապետության դրամ անվանական արժեքով:

2. Հայաստանի Հանրապետության Վայոց ձորի մարզպետի 2000 թվականի նոյեմբերի 30-ի «Մարզպետարանի ենթակա ՊՓԲԸ-ների վերագրանցման մասին» N 81 որոշմամբ հաստատված «Հոփսիմե առողջության կենտրոն» փակ բաժնետիրական ընկերության կանոնադրության 4.2-րդ կետը հաստատել հետևյալ խմբագրությամբ՝ համաձայն հավելվածի:

3. Հանձնարարել «Հոփսիմե առողջության կենտրոն» փակ բաժնետիրական ընկերության տնօրենին՝ դիմել պետական ռեգիստրի գործակալություն՝ Հայաստանի Հանրապետության օրենսդրությամբ սահմանված կարգով պետական գրանցման համար:

4. Սույն որոշման կատարման հսկողությունը վերապահել Հայաստանի Հանրապետության Վայոց ձորի մարզպետարանի աշխատակազմի առողջապահության և սոցիալական ապահովության վարչության պետ Խաչիկ Գևորգյանին:



Հ. ՍԱՐԳՍՅԱՆ

Հավելված


«Վայոց ձորի մարզպետի՝ 2015թ.

ապրիլի 1-ի թիվ 32 որոշման

**<<Հոփսիմե առողջության կենտրոն>> փակ բաժնետիրական ընկերության  
կանոնադրության 4.2 կետ**

<<4.2. Ընկերության կանոնադրական կապիտալը կազմում է մեկ Հայաստանի Հանրապետության դրամ, որը կազմում է մեկ հատ հասարակ (սովորական) բաժնետոմս՝ մեկ Հայաստանի Հանրապետության դրամ անվանական արժեքով :>> :

Աշխատակազմի ղեկավար՝



Կ. ՍԱՀԱԿՅԱՆ